

Der erste Theil / von Erklärung vnd Nützung des Astrolabij.

Was das Astrolabium sey / vnd wie seine
Theil vnd Cirkel genant werden.

Das Erste Capitel.



ASTROLABIUM,

ist ein rund Instrument / mit viel
Cirkeln vnd Linien / das da in der Astro-
nomia vnd Geometria nutzbarlich / vnd
auff mancherley weise gebraucht wird.

Es ist aber zu wissen / das dieses Ins-
trument erstlich in zwey theil getheilet
wird: Nemlich / in das förder vnd hinder theil. Das förder
theil / wird das Angesicht des Astrolabij genant / vnd das
hinder theil der Rükke. Das Angesicht oder förder theil
des Astrolabij, wird in zwey andere theil getheilet / Der eine
theil heist Limbus, zu Deutsch / der vmbschweiff oder saum /
dañ es ist der auffer kreis auff dem fördern theil des Astrolabij,
darinnen die zwölff gemeinesten Winde / aufferhalb herum
mit iren namen / nach welchen die gemeinen gleichen Deutsche
stunden / mit iren ziffern / vnd darnach ein wenig außwärts die
360. grad eines ganzē Cirkels / mit iren ziffern begriffen sind.
Vnd heist darumb der vmbschweiff oder saum / das er aussen
scheibweiff oder rund / vmb die andern kreis des Astrolabij
herumb gehet / gleich wie ein schweiff oder saum vmb ein Kleid.

¶

Der